





張右史文集卷第二十八



絕句詩

吹角

斷霞歸鳥隔山鐘日過西山轉海空長恨南  
城催曉急五更吹角怨秋風

登乘槎亭

海天秋霧時乘槎風響空山浪卷沙杳杳  
聲何處客一帆衝雨暗天涯

臘





荒林野水間。榛荆唯有青山。日對門。草木向  
陰猶帶雪。風光近臘已如春。

題宅後井 泉色正白

清泉十丈白如漿。甘向醍醐透枕涼。君欲道  
中無渴死。百尋草綆莫辭長。

和房日嚴換武詩

青衫厭著待封侯。慷慨知君定遠流。莫歎書  
生長齷齪。元戎曾與報更籌。

春

磔牛門外色初分。共喜釵頭彩勝新。花萼快  
寒猶積雪。鳥聲催報已知春。

感春三首

一

日長殘雪滴高簷。院靜人間風度簾。可是歲  
華隨日好。故應愁恨逐春添。

二

冰消水面波光動。日暖樹梢花意歸。世上繁  
花易零落。却應春淺勝芳菲。



此正集二首此作其二  
其一卷八二十九卷四  
目錄

梅梢柳眼弄春嬌  
雲暖南山臘雪消  
近郭樵漁成野市  
遠村蕭鼓隔溪橋

荒園

荒園午日照青蕪  
樹罅鳴鳩相應呼  
一片陰雲送山雨  
漸漸新麥地親鋤

范增

君王不解據南陽  
亞父從誇計策長  
畢竟亡秦安用楚  
區區猶勸立懷王

東方曼倩

軒冕功名何足為  
先生聊作易農翁  
漢庭誅死皆卿相  
猶說才能勝滑稽

小雨

蕭蕭小雨不能收  
一霎西風便似秋  
枕席夜涼燈火暗  
丁丁更漏隔南樓

孔光

鄉原世畫謂夏<sup>真</sup>儒  
漢室傾危孰與扶  
試問不言溫室木  
何如休望董賢車



趙飛燕

苦心膏沐不論貧富貴人生各有時直使中  
流畏仙去君王何啻似嬰兒

看花

風暖日高花氣動鳴鳩乳燕自來群經營美  
景還詩匠傾掃頑愁賴酒軍

題唐宋輔城上小樓

沙田山雨不成泥一帶溪光照翠微遠日直  
隨殘日盡晚雲還望故山歸

近郊小徑絕人行水滿菰蒲取次生沙岸雨  
來長集燕桑田深處忽聞鶯

晚歸

學省歸來門巷秋伴眼書史滿牀頭低雲漠  
漠梧桐晚屏上江山亦解愁

秋

日落星稀河漢微清秋一點水螢飛涼風白  
露愁先覺可待梧桐報即知

調金玉病



維摩丈室自蕭然。病起新涼得恣眠。我愧聲  
聞難問疾。想君獨對散花天。

又

詩將收功久。戡戈羸師再鼓。奈疲何。想君無  
物驚禪定。獨未能除。是此魔。

蕭何

蕭公俯仰繫安危。功業君王心獨知。猶道卻  
平能緩頰。君臣從古固多疑。

項羽

沛公百萬保咸陽。自古柔仁伏暴強。慷慨悲  
歌君勿恨。拔山蓋世故應亡。

李廣

李廣才非衛霍儔。孝文能鑒不能收。君王未  
是忘征戰。何待高皇萬戶侯。

朱雲

直言請劍斬安昌。勿謂朱游只素狂。君看漢  
家文景業。張侯能以一言亡。

韓信



登壇一日冠群雄。鍾室倉皇念蒯通。能用能  
誅誰計策。嗟君終自愧蕭公。

賈誼

賈生未免孝文疑。自古功名歎數奇。遂得洛  
陽年少去。白頭絳灌亦何為。

楚王效李高隱

十二巫山聳翠巖。楚王宮殿玉巖巖。定知為  
雨為雲處。不似當初夢裡看。

梁冀

力回漢鼎未收功。又道將軍世上雄。不悟折  
腰并齧齒。百般裝束為秦宮。

宋玉

雲雨朝朝峽裡興。可能無復夢中情。巫娥若  
問誰為賦。敢乞君王道宋生。

成帝

百華衣上清餘香。夜照猶煩蚌有光。解通溫  
柔勝武帝。不知壯髮似元皇。

女兒山



不復當年端正樓多情猶問放宮遊山川不  
改繁華盡須信人生一世浮

昏昏

昏昏落日下墻東歷歷晴雲送去鴻歲晚蒼  
槐甘老大盡將黃葉付秋風

謝仲閔惠友于泉泉上多紫竹

地古泉甘度所種直疑遠與惠山通曲肱煩  
暑都看盡如卧蕭蕭紫竹中  
貧病投劾乞補外官親友問者以詩

卷之

早好如揚子官執戟貧似玉川居洛陽不敢彎  
弓輕安射爭如覆被逐山狼

殷浩

田野高風過有莘廟堂經畫竟無聞固應竹  
馬思元子江左興亡不在君

偶成

低雲著地曉悠悠雨濕簾旌不上鉤江北江  
南千萬里年年長向此時愁

宋江寧府志卷之二  
卷之二  
卷之二



傷春

其二 惟入山

浮名<sup>雪</sup>冉冉送春華。怯見春寒日欲斜。一夜雨聲能幾許。曉來落盡一<sup>羅城</sup>枝花。

七月初六日

月落暗蟲啼不休。五更白露曉悠悠。西風是處將搖落。可但梧桐獨報秋。

又

積雨空階生綠衣。幽幽點點弄秋姿。黃昏樓角看新月。還是去年牛女時。

元忠學士八兄未離京師遠蒙追送許惠服丹法託故竟未惠及賦五絕

句

一

身逐孤舟似斷雲。故人追送尚殷勤。秋城夜泊西風岸。落葉悲蟲獨自聞。

二

哀拆苦催空壁月。悲蟲真弔短檠光。無情少壯拋人去。只有窮愁氣味長。



三

歌盜義和一點春五更注想隔重雲如何但  
欲獨不死分我刀圭未肯君

四

昔見將軍破虎韉事見歐玉堂曾共掃千言功  
名老去皆蹉跌相見諄諄勸學仙

五

無復顛狂似少時逢君獨自說娥眉玉堂舊  
事君休念兩袖啼痕又送誰

閒步

枝上啼鴉巢欲成晴簷向日乳鳩鳴可憐霜  
雪餘威盡春草無名著處生

寓楚題揚補之書舍

一辭螭陛走天涯客路怱怱老歲華住久不  
知身是客自来堂下採黃花

傷春四首

一

曉雨催春不惜花亂紅飄泊委泥沙傷心憶



得年時事白髮風前只嘆嗟。

其二 怪在前

紅杏牆頭最可憐。膩紅嬌粉兩娟娟。曉來併  
逐東風盡。容易分飛又一年。

其三

嫩紫妖紅惜不得。亂隨風雨點蓬蒿。荒田野  
草花開晚。主管春光輸爾曹。

其四

高樓春晝獨驚心。白日閒雲亦自陰。風雨催

花花已盡。滿城新綠亂鳴禽。

三 鄉道中遇雨

蕭蕭古道西風雨。慘慘黃昏匹馬行。未遇功  
名莫嗟嘆。逢時更自憶平生。

題南禪院壁 二首

乞食高僧午未歸。秋庭落葉日暉暉。蕭條古  
寺松陰下。簷鐸風中乳鶴飛。

又

秋林落葉已班班。秋日當庭尚掩關。掃榻晝



眠聽鳥語可憐身世此時間

次韵王彦昭感秋

木落風高秋雁歸。初晴野水漲清伊。東流會  
向淮南去。憑寄秋來無限愁。

二

年來詩酒最閑身。滿斟<sup>酌</sup>休論薄與醇。愁見洛  
陽秋夜水。無情偏照不眠人。

三

塵埃容易點吳衣。澤國秋來信息稀。想見淮

南初木落。秋雲秋水雁初飛。

絕句

<sup>蕩</sup>蕩晴郊花氣浮。午窓晝睡擁<sup>馳</sup>裘。覺來鳥  
雀茅簷靜。屋角春風怒未休。

又

照水輕明楊柳芽。隔林相映占<sup>巢</sup>鷓鴣。東風香  
草城邊路。到處人家盡是花。

又

淮上春風萬鼓聲。落帆舟泊岸邊磯。喧喧野



市殘陽裡。酤酒携魚客散歸。

雨後遊朱園

綠葉陰陰護翠枝。晚花雖小亦應稀。東風不  
惜殘桃李。吹作春愁處處飛。

酒病中寄李十二招飲

班郎握筆未封侯。嗜酒揚雄欲白頭。寂寞著  
書誰作伴。兩枝風葉碧搖秋。

又

酒病岑岑更怯寒。一窻疎雨擁衾眠。西風一

入庭前。擲便有秋聲到枕邊。

乍晴

洗來桐葉晚青青。積雨攔干暗菌生。牆角半  
傾苔暈合。蕭蕭風草一蛩鳴。

又

虹長飲雨川無滴。蘋末生風沼有波。一掃烟  
雲不知處。夜天如水瀉銀河。

雜題

寒雨蕭蕭桐葉驚。琅琅還作夜階聲。西風忽



起幽人覺。枕簟涼時向五更。

又

蒼蒼落日井梧西。睡覺幽人自卷帷。只有林  
鶯知夢斷。曉庭人靜語移時。

徐園閒步

平田小雨潤新耕。曉日園林信步行。襯步野

蕪吹面柳可憐春。物搖傷情。

又

動地春風晚未休。吹花折柳却成愁。塵埃不

用頻車馬。獨臥攪逾正。擁裘

雜詩

邾城山下梅花樹。臘月江風好在無。爭似姑

山尋綽約。四時長見雪肌膚。

又

病腹難禁七椀茶。山窓睡起日西斜。曾無隙  
地栽桃李。日日門前自買花。

張右史文集卷第二十八

五集作信梅

宋五集作買花



張



張右史文集卷第二十九

絕句詩

赴官咸平蔡河阻水泊舟宛丘皇華

亭下三首

怒河凭雨正奔流  
踏踏卑梁滯去舟  
淹泊我生應有定  
不須歸怨一汗溝

二

裊裊悲蟬古柳風  
水邊幽草已鳴蛩  
長河未放羲和宿  
却放斜陽更向東



三

夜空如鑑碧新磨。倒影踈星亂素波。天色水  
光無別處。為君垂手攬銀河。

春雨中偶成

廉纖小雨作春愁。吹濕長雲漫不收。架上餘  
醺渾著葉。眼明新見小花頭。

二

槐葉青青染不如。護巢鴉語有新雛。蕭蕭晚  
雨窻鳴急。臥穩藜牀正枕書。

三

天低芳草接浮雲。萬柳含烟翠不分。燕子歸  
時花徧落。暮寒和雨入黃昏。

四

春陰只與睡相宜。臥聽鳴禽語復飛。一綫斷  
香浮不散。何人深院畫薰衣。

東齋雜詠

竹

裊裊牆陰竹。數竿秋風盡日舞。青鸞平生愛



爾緣瀟灑。莫作封君渭上春。

菊

野人齋爨屏膾腥。自向塔前搨紫莖。老去愛  
花心轉薄。一杯蔬飯足浮生。

盆池

點點青萍秋後衰。溶溶晴日見魚兒。水邊窺  
影何方客。自照行吟憔悴姿。

老槐

雪霜未死閱年華。危葉蕭蕭戰古槎。裊裊秋

風官舍冷。半枝斜日帶啼鴉。

皂莢

叢縣塵埃不可論。故山喬木尚能存。不緣去  
垢須青莢。自愛蒼鱗百歲根。

南窓

門前塵土慵驅馬。堂上文書厭坐曹。只有南  
窓慰人意。寒燈清夜讀離騷。

道榻

紙閣蘆簾小榻安。一裘容易却輕寒。誰驚午



枕江湖夢風落晴窓拍子乾

牆東

牆東橋老葉已盡堂下菊叢無復香長安風  
埃歲已晚閉門不出馬毛長

又

歲晚長安足玉風天寒官舍少文書下馬閉  
門復無事壁間佛像對銅爐

凝祥三首

一

齋祠太一館清真望秩名山固有神斜日苑  
門人不到靈風自掃石牀塵

二

已隨芳草藉盈盤更任垂楊拂馬鞍斜日雨  
竿眠攬晚春波一眼去鳧寒

三

奉靈桃李已堪攀只有春風作往還園吏不  
須防客到長安從古少人間

謝人惠金沙醪醕



金沙清麗閨中秀，醑醑謝郎林下風。欲試此  
心無結習，兩枝常守淨名宮。

又

金沙豐腴合德艷，醑醑輕盈飛燕身。久無丹  
白應知我齋散，天香供道人。

奉安神考御容入景靈宮小臣獲覩

有感

靈風依傘繡輿深，仗外猶疑警蹕音。不似尋  
常遊幸日，樓前吹鼓却沾襟。

又

渭上衣冠故老衰，西陵石老已莓苔。從今仗  
下新歌舞，長及年年獻耐來。

次韵子由舍人先生追讀邇英絕句  
四首

天寒書殿晚班清，氣爽仙盤瑞露零。講罷群  
公珮聲散，一竿宮日轉槐庭。

二

聯翩右史直西垣，舊墨螭頭點未乾。自是退



之平昔事。可須慙著進賢冠。

三

冠佩煌煌拱北辰。道人風骨自軒軒。伏苓松  
下龜鼈老。酒乞靈丹一粒吞。

四

恭默誰聆金玉音。陶甄萬物付無心。君王好  
意真天意。憂國論思不厭深。

荒園

當移在平八卷抄名  
內作其一

日暖風簷翻乳燕。曉寒露柳轉流鶯。荒園日

日東風裡。吹盡閒花香。草生。

東海旅夜

無酒消憂。寒未減。隔帷相對一燈愁。蟲聲喚  
覺五更夢。風雨滿庭桐葉秋。

又

蘭缸背壁影微微。千里天涯客夢歸。一夜海  
風聲不絕。曉來寒葉滿庭飛。

寄李不危

憶昨東風吹馬蹄。瓦閣分袂涕交揮。淮陽風



物應如舊獨在柯山送雁歸

曉發途中

坐無燈火夜蕭然馬上匆匆未晚天直駟老  
兵應笑我肯將斗粟換高眠

病起登疊嶂樓

病來久不上層臺窻有蜘蛛迺有苔多少山  
茶梅子樹未開齊待主人來

觀蘇仲南詩卷

蘇子詩如及發礪十章入耳韻泠泠文章三

味無多字祇守君家舊典刑

讀仲南和詩

異時文席許論詩三載江湖讀楚詞自笑酸  
寒無好語少年倉氏獨相知

謝仲南和書

曾釣西湖薄主人只今湖色已知春會酒多  
載連車酒絕勝寒倉滿日塵

渡沙河

溶漾澄明徹底清鸕鷀惜客不相驚却疑洛



水新霜後八節灘津石柱聲

題五柳亭

大夫風韻如彭澤五柳蕭森手自我我亦扁  
舟倦遊者登臨聊復賦歸來

項城道中

塵壁蒼茫有舊題十年重見一傷悲野僧欲  
與論前事自說年多不復知

離京後作七首

一

蘋芷江邊已五年厭聞風浪打船邊南風蕭  
艾荒涼野時望高丘一慨然

二

水請送客渾無浪風解留人却有情今夜榆  
林繫帆宿却從北斗望天星

三

澗畦酤酒兩三家春去芳叢有晚花莫道長  
安在天上半女猶有客乘槎

四



一水夷猶達汝陰。年華客意兩相侵。河邊無限青青草。攬轡何人擊此心。

五

遇過雨陂塘處處深。南風蕭艾欲成林。道邊拾穗行歌者。亦有豐年一飽心。

六

高槐老柳舞南風。晴日家家蠶麥風。中  
雲見原隰。却教風雨洗長空。

七

燕雀翩翩夏屋深。成谿桃李已成陰。黃鸝深處無人見。時有清風送好音。

橘

靄靄高林綠實圓。清霜一洗若金懸。李衡何等相奴隸。自有高人相國賢。

梅

覆釜湖邊雪壓塵。數枝林外已先春。盡將七澤清霜氣。洗出姑山綽約身。

懷竟林蓮花



景湖門外有河洲。灼灼紅蓮照碧流。公子不歸時節晚。兩枝風葉卧清秋。

懷陸羽井

寒泉石井老松根。禪室幽人古像存。長恨千年無屈宋。楚招難與此遺魂。

冬日懷竟陵管氏梅橋四首

旅居澤國小園林。千里相望歲暮心。想見竟陵殘雪裡。新梅點玉摘垂金。

二

小小園林點點梅。如今綽約為誰開。只應新夜清霜裡。依舊橫斜倒影來。

三

他日華陵跡已陳。嘉辰懷舊一銷魂。小園幽徑誰相念。應有新梅覓故人。

復州竟陵即有  
五花山故亦云

華陵

四

堂下幽芳自可人。北風一為屏埃塵。上元簪珥玲瓏玉。却曳青霞霜女裙。



厄臺寺三首

諸佛蒼然照殿楹。圓光明滿自然燈。千年遺事無人問。館後高眠久屬僧。

二

峨眉前約已成空。風雨蕭蕭送暮鐘。何用忘飢來問話。不如松下謁癡龍。

三

世味嗟余深。莫加更將詩句寄。烟霞自憐落筆無好字。不及揚州王謝家。

過蕪澤

雄吞六國弱秦強。壯士逡巡野水停。耕叟不知鴻鵠志。笑觀宮室忤陳王。

崇化寺

樓殿沉沉鎖夜烟。秋燈一點佛龕前。梧桐葉上三更雨。亦有愁人獨不眠。

二

白髮荊州嘆滯淫。吳衣重拚洛城砧。道愁莫上高樓望。只有秋來盡日陰。



三

零落宮牆官樹秋行人東去路悠悠  
下邳道亦有離人對此愁

偶成

惟石山抄名

莫學文章弊性靈屠龍藝就悞平生  
路新冠蓋何用揚雄強作經

贈趙簿景平

明道新墳草已春遺風猶得見門人  
國衣冠異畫戴林宗折角巾

又

紛紛俗物久堪憎愛子蕭蕭眉宇清  
衫掩事業白頭卿相死無名

自遣四首

一

是非得失一區區蚊蚋啾啾共一壺  
之求羽翼唯憑一夢到華胥

二

誰云造化本天情利害垂陳理甚平  
莫逐衆



情生愠喜君看三四孰虧盈

三

誰之至理宗無相大道由來萬法兼且以聲  
音為佛事曉敲清磬誦華嚴

四

浮世榮枯理易觀不勞重取朽龜鑽直應挑  
李繁華日便把荆榛寂寞看

立秋

西風颯颯木颯颯身在江湖北岸州自古楚

人辭最好為君重賦竟陵秋

又

對酒聊同楚人醉哦詩唯聽越聲吟洞庭北  
岸孤城下落月西風聽曉鶯

又 晚步靈壽寺後

秋城草樹欲黃昏微徑新晴葉菜甲新便好灌  
園從老圃此懷元是漢陰人

又

逢秋種菊尚殷勤隙地侵尋欲過隣好便採



花供服餌形容已似澤邊人

感秋三絕

一

秋思鄉愁兩苦辛。每臨西北望秋雲。此生更老情終在。誰為寄聲千里人。

二

楚天未白轉星河。樓角先吹出塞歌。長愧侵牀五更月。殷勤無計謝姮娥。

三

高林敗葉已颼颼。更有寒莎翠已收。若道神仙脫情累。如何獨唱感庭秋。事見閩記

局中聽雨

秋庭聽雨斷人聲。涼入衣裾秋意生。臨水登山送歸語。憐君解有許多情。

夜思

萬聲沉寂漏丁冬。金井攔干上暗空。半夜西風人未覺。秋聲先報草根蟲。

晨起觀雨二首



楚鄉秋早卷炎蒸。長恨梧桐不可憑。爽氣忽  
隨風雨至。晚堂無寐獨神驚。

又

中宵爽氣入襟裯。簷雨浪浪晚未收。三伏炎  
歊掃除盡。待教明月放清秋。

近中秋

姮娥藥熟桂華新。滿貯清光待出雲。徐御冰  
輪行碧落。世間多少感秋人。

章華

長恨章華亦陋夫。周秦僅可勝登途。誰知南  
楚仍窮巷。首像何妨自應圖。

秋晚

日轉秋庭樹影斜。風來粉蝶註蝶勝悲笳。祇應宋  
玉秋來夢。常在墻東阿子家。

遷居對雨有感

楚鄉風物淡悠悠。獨掩閒門客滯留。盡日無  
言對秋雨。相敲蕉葉各吟秋。

竟陵儼舍仍有小園景物頗佳



荒涼臺閣追隨事，懶慢江湖放逐臣。  
應是主人憐寂寞，僦居仍有小園春。

張石史文集卷第二十九

張石史文集卷第三十

絕句詩

題西園醖醑

風霜老斫感龍蛇，中有青春白玉葩。  
要使根深生意遂，不妨秋雨卧泥沙。

西軒

出架薔薇秀晚枝，雨餘屋角理蛛絲。  
可憐一曲秋風地，萬思千情闕入詩。

九月十日菊花爛開



蕭條秋圃風飛葉。却有黃花照眼明。已過重  
陽慵采撷。自嫌亦作世人情。請除目有感

禍福茫茫不可猜。可能凭世即無災。相君西  
園揮毫日。豈料方還此地來。

效吳融詠情

依依漠漠復紛紛。觸處相隨過曉昏。知是妾  
緣除不盡。更教風月助吟魂。

竟陵酒官舍北有數步草。歲寒霜落

猶鬱然也。予為障其風。霜暮冬尚自  
如。一日大火焚舍。無遺。復往尋草。不  
復有矣。

為愛墻隅芳草色。故遮霜霰待新春。火燒雨  
洗尋無處。祇有東風吹舊塵。

臘日步西園

三畝寒園春欲回。淺池低樹忽飄梅。楚鄉萬  
里霜雲盡。歸雁行行斜日來。

夏日七首



一  
兩架醱醱側覆簷夏條交映漸多添春歸花  
落君無恨一架清陰恰滿簾

二  
野水灣環夏木森青蟬晚噪碧雲深扁舟兩  
槳誰家子。萬里江湖此日心。

三  
蘄簾紗厨與夏宜法曹腰腹大何為重雲到  
地翻盆雨却是幽人穩睡時

四  
千蛙鳴噪汙池水萬蟻奔馳一腐蟲得喪世  
間能幾許真真高處有飛鴻

五  
涼風一掃宿雲輕隱隱收雷不復驚試決小  
池疏積潦誰教蛙吻頃無聲

六  
風轉翻翻梧葉驚入簷白雨打窻鳴應將清  
絕酬無睡穩聽空塔半夜聲



七

女儿山前官舍清，遠堂鳴澗夜泠泠。  
塵埃別後何由見，簷雨三更起坐聽。

書卧口占五首

康濟朝飢進湯餅，誰何午睡屬新茶。  
讀書隱几聊復爾，謝客扃門豈不佳。

二

甘風遠集聞朝噤，怨月深棲有夜鳴。  
涼牖疎明稀老翠，雨畦幽獨立新青。

三

學道窮年要有得，強顏千世欲何求。  
病裁意以無勞諍，濕要鞫窮不待搜。

四五言

人事日益遠，秋居何諷然。  
苔隨墻半雨，葉放樹中天。

五

擾擾終何得，蕭蕭亦自如。  
將求解牛道，要解斲輪書。



贈無咎

欺馬街泥未肯乾。重城含霧曉漫漫。誰令萬  
屋淋漓雪。猶作長安半夜寒。

晚春四首

一

揚柳藏鴉。笋作竿。曉風吹雨。作輕寒。青陰一  
片。收春去。留得薔薇。數點殷。

二

薔薇倒架。笋過隣。夢澤茫茫。欲晚春。綠暗紅

稀。君莫嘆。滿枝梅杏。欲嘗新。

三

洗雨吹風。送晚春。盡收紅紫。布青雲。眼前消  
長。語已久。清坐不妨。長閉門。

四

荒畦零亂。滿蕪菁。春事收功。欲老成。鵲噪鳩  
鳴。莫無賴。曉枝千轉。有雛鶯。

其子信入三十一卷內  
懷金陵三首

一



此君堂後青蒼玉。別後何曾寄一聲。想見秦  
淮月堂下。西風吹浪拍堤平。

二

璧月瓊枝不復論。秦淮半已掠荒林。青溪天  
水相澄映。便是臨春閣上魂。

三

曾作金陵爛熳遊。北歸塵土變衣裘。芰荷聲  
裡孤舟雨。卧入江南第一州。

水閣

元五集作題水閣

積雨荒池水欲平。軒窗長夏有餘清。分餘一  
枕滄浪夢。卧聽風荷受雨聲。

二

池水亭亭如有光。晚風清露點新粧。翠帷自  
障非遊女。如多謝經營白鷺郎。

出京寄無咎

不許多間長樂鐘。打旦<sup>但</sup>遇<sup>過</sup>又匆匆。長安城  
裡誰相識。只有周南太史公。

又

集古本集卷五

五



老去相看情益親  
河梁分手欲沾巾  
抵應誦得離騷賦  
長作行吟去國人

讀史

區區奸智終何補  
不悟自由弄技兒  
蛇斷楚郊秦未覺  
鬼謀曹社夢先知

二

羸秦餘祚已蛇分  
車府凶高尚畏人  
安有區區猶指鹿  
從來菽麥不曾分

題韓信詞史稱信反族誅子嘗疑之其

謂陳豨曰王至上必自將予從中起  
夫使高帝將精兵于外而信欲詐驅  
徒奴烏合之衆于京師雖太公穰苴  
不能以成事此猶息然于猛虎之穴  
虎歸則無事矣信謀無遺策豈肯為  
計若是之踈哉况蕭相國在長安信  
獨不畏之耶此殆以高帝出征以信  
失職畏其亂于內亦若彭越使人告  
之而傳其詞如此耳不然信不忌漂



母一飯之恩信遇高帝恩亦厚矣一  
旦忘之豈人情哉

千金一飯恩猶報南面稱孤豈遽忘何待陳  
侯乃中起不思蕭相在咸陽

題淮陰侯廟并序呂太后勸高祖誅彭越

使舍人告其反而越固未嘗反也特

以為名耳高祖將兵居外而太后在

長安太子仁弱不知兵而韓信方失

職在京師呂畏其乘時為亂而不可

制使人誣告其反詐召而誅之耳方

是時蕭相中而信欲以烏合不教

之兵從中起以圖帝業使信雖甚

愚必知其無成以信之雄才謀無遺

策肯出此哉太史公記陳豨反事言

豨居代多致賓客周昌畏其不軌而

奏召之不至豨因自疑而其後通曼

丘臣王黃遂反此司馬遷所謂邪人

進說遂陷不義者也遷載豨反事未



嘗一言及信於此遷欲見誅信之寃也

雲夢何須偽出遊遭讒猶得故鄉侯平生蕭相真知己何事還同女子謀何不為信辨其枉也

偃王城抄題

逃戰彭城似去邠興王可即廢為臣中原多少堪憂事勞苦君王八馬奔

挂劍臺

上國歸來歲月深悲嗟脫劍挂高林欲知不

負徐君意便是當年讓國心

古意

樓上珠簾拂疎網却勻愁黛對菱波也知新舊爭多少敢話機頭織素多

道彭澤

姓陶令尹今何在空補陳編歸去來安得春江作春酒百年長與子銜杯

柳

永豐坊裡舊腰肢曾見青青初種時春盡道



邊離別恨爭教風絮不狂飛

題宣州後堂壁四首

一

過雨山亭暑氣微  
老人猶未試生衣  
滿園閑綠無人到  
春日南風燕子飛

二

我欲留春情不淺  
青春別我若無情  
敬亭山下紅千樹  
日日南風綠滿城

三

翠樹陰陰晚雨回  
江山清潤絕纖埃  
軍廚煮酒香初熟  
更釣溪魚斫鱠來

四

流落天涯一病身  
簿書叢裡費精神  
殷勤照水窺華髮  
黃鳥聲中又一春

宋景平命賦隔窻花影

午睡簾攏春日長  
半消金鴨水沉香  
隔窻花影時來去  
疑有東鄰魏宋郎

晚春初夏八首



一  
陰陰夏景變餘春。清曉園林未有塵。日日東風欺弱柳。鶯黃吹盡作青雲。

二  
少室山前日日風。望嵩樓下水溶溶。卷將春色歸何處。盡在車前榆莢中。

三  
吹盡成蹊桃李塵。兔葵燕麥一翻新。只應解籜抽青玉。霜節稜稜尚可人。

四  
古柳參天鳴啄木。青蕪覆地下鳴鳩。白頭懶作留春計。睡起移時獨倚樓。

五  
睡足高簷春日斜。碾聲初破小龍茶。樓邊綠樹飛紅盡。春色墻陰老薺花。

六  
青春已屬明年事。晝漏初知夏景長。日日南風筍成竹。殘紅雖有不成妝。



春歸草木漫青紅  
半委塵埃半逐風  
誰似長楸百餘尺  
高張錦繡照青空

八

酴醾壓架不勝繁  
洗雨吹風更可憐  
姑射山人本仙骨  
百花彫盡獨蟬端

梅花十首

一

月落嚴霜自理粧  
北風上馬發清香  
曉英數

點辭林去  
幽獨無人為斷腸

二

幽恨倚愁幾萬端  
故將巧笑破霜寒  
落英收拾供騷客  
秋菊從來不足餐

三

姑射仙姿不畏寒  
謝家風格鄙鉛丹  
誰知檀萼香鬢裡  
已有調羹一點酸

花鬢中  
杜詩

四

林外啼禽自往還  
風前詩客倚欄干  
小園門



鎖黃昏月耿耿幽姿伴歲寒

五

玉粟勻圓官樣黃  
領巾借與十分香  
衝寒不為生春物  
自要晨霜為洗粧

六

清寒池館靜無塵  
歲歲相逢似故人  
任遣牆頭疑是雪  
欲教園木早知春

七

脉脉無言亦有期  
雪中狂殺羽林兒  
可惜多

少幽竒事却都是東風  
搃不知

八

任教雪壓色終勝  
却要風嚴香更聞  
江雨細時青子熟  
聞名猶救渴將軍

九

數點深藏碧玉枝  
翠峰十二擁瑤姬  
瓊君說與凡桃李  
徹骨清寒爭解肥

十

三畝荒園草棘荒  
可堪終夜北風狂  
瑤環踰



珥誰將去。噴噴幽禽。啄盡黃

張石史文集卷第三十

張石史文集卷第三十一

絕句詩

水仙花葉如金燈。而加柔淨。花淺黃

其幹如萱草。秋深開。至來春方已。雖

霜雪不衰。中州未嘗見。一名雅蒜。

宮樣鵝黃。綠帶垂。中州未有見。仙姿只疑湘

水綃。機女來伴。清秋宋玉悲。

崇寧壬午臨汝四月始聞鶯

青杏登盤櫻壓枝。園林初夏轉黃鸝。一聲風



露高林曉却覺年華絕未衰  
好音終在耻爭先谷外寒多故後遷已過花  
時亦何恨不妨夏木綠參天  
采石阻雨寄宣城故人

風雨江頭思故人東南烟水濕青春宛溪東  
岸垂楊樹想見烟眉亦解顰

閒雲濃淡作朝陰柳色江頭春已深誰為宣  
城故人說依依祇似去年心

漫呈無咎一絕

題扇燈前亦偶然那知別後遠如天去年醉  
舞看花處獨聽琵琶却惘然

壬午臘月下旬偶作

咏蠅飢禽傍短籬風鳶一笑起高枝君看草  
樹冰霜裡即是東風欲到時  
風折蘆葭水結澌燕鴻相語定歸期淮南水  
澗山長處少待燕山霰雪晞

泊楚州鎖外

滿眼荒寒春味知芳菲欲到野梅枝東南近



臘風烟好。美酒千鍾。魚蟹肥。  
便風吹舫去。無情謾遣。搥牙鐵鎖。橫未嘆客。  
行鷗鳥遠。五更吹角。是為城。  
裏王席上。舊行雲。二十年間。生死分。可惜風。  
流一杯土。年年春草。斷人魂。  
流落相逢二十年。羞將白髮對婵娟。如何見。  
我都依舊。添得尊前一惆然。  
水榭疎簾。秋夜涼清。歌一曲。醜瑤觴。明朝回。  
首高城處。只有西風。却斷腸。

莫愁家住大堤邊。朱閣青樓映暮川。斜映清  
淮一梳月。晚妝相對鬪婵娟。

臨淮道中

凜凜春寒犯客裘。輕陰殘雪放孤舟。無端唯  
有堤邊柳。作態東風惱客愁。

許同塵示張八侍郎避暑覽館中舊  
題絕句。俾之同作次韻。

聚散人生集渚鴻。飛鳴邂逅一宵同。是非榮  
辱何勞問。共在邯鄲一枕中。



西園風雨雜花謝

楚澤春殘雨又風。啼鶯芳草思無窮。燕菁滿地黃金爛。不及薔薇一點紅。

慈湖中流遇大風。舟危甚。食時風止。游靈巖寺。

心悖西江浪似山。眼明僧舍一窻閒。從今要見廬山面。畫作屏風靜處看。

寓淮陽驛

一庭秋色高堂夜。半壁燈光短幌涼。都是去年秋氣味。誰知飄泊古淮陽。

悠颺短日下西墻。庭葉吟風作夕涼。客枕甚安無一事。隣雞不用喚朝陽。

觀魚亭呈陳公度

千古濠梁莊惠詞。不須反覆辨真知。直應人意逍遙處。便是游魚自樂時。獵獵微風波面開。近人鷗鷺不相猜。尊前忽起扁舟興。新管江南山水來。

寒食離白沙



莫驚客路已經年。尚有青春一半妍。試上芳堤望春野。萬絲楊柳拂晴天。

紹聖甲戌侍立集英殿臨軒試舉人  
作此兩絕

春來小殿雪初殘。曉日曛曛未破寒。黃繖當軒公事退。君王緩步侍臣閒。

弱歲千名翰墨場。春寒擢筆試西廂。茫然二十年間事。還着春衣侍玉皇。

同仲達雪後踰小山游蔡氏園得紅

梅數枝奇絕。因賦二首

與君陟巘踏春泥。邂逅紅梅得一枝。失却孤

山風露拾却成。卯酒醉冰肌。李正封牡丹詩有國色朝酣酒

之

北風凜凜留高樹。融雪涓涓聚小塘。三畝山園半春草。無人為結小丁香。

戲呈希古

半世辛苦守黃卷。白頭容易過青春。枕前亦覺春晴否。試問東隣晚起人。



賞心亭

揖迎挑葉家何處，槩送莫愁人已非。  
獨立東風今古恨，春江無語又斜暉。

題洛尾亭

入汴第一亭

日出南山春霧收，渾渾洛尾入淮流。  
莫向行人贈楊柳，折將離恨入孤舟。  
洛尾亭邊淮汴交，來波去浪恨迢迢。  
無端更洒黃昏雨，吹作春愁不肯消。

題周文翰郭熙山水

魚村橘市楚江邊，人外秋原雨外川。  
遣騎竹邊邀短艇，天涯暮色已蒼然。  
洞庭葉落萬波秋，說與南人亦自愁。  
指點吳江何處是，一行鴻雁海山頭。

立春

天上春來誰報人，江山氣象一時新。  
懶將白首簪幡勝，壽酒三杯慰逐臣。  
風光先著竹間梅，和氣應從九地回。  
桃李滿園渾未覺，微紅先向寶刀開。



蒼龍闕角回金斗文德門南散曉班車馬紛  
紛殘雪裡鏤銀翦誅舞新幡

寒食

庭院輕寒新雨過江城寒食野花飛故園北  
望一千里極目江楓客未歸

竟陵夢野亭在子城西南角一目而  
盡雲夢之野最為郡中之勝

高甍巨椽壓城闔平視如將七澤吞幾度春  
光招宋玉碧闌干外獨消魂

奉符縣北二十里林家莊馬舖壁間  
有草書數行半毀矣問其人云熙寧  
中錢提刑所書余考其時蓋翰林四  
大文穆父也錢公謫秋浦而卒其子已  
免喪矣覽之不覺失涕因留一絕

龍蛇半滅亭間字泉壤長埋地下身從此世  
間無玉樹故人三嘆淚沾巾

木芙蓉菊花盛開

空山岑寂何所有晚菊芙蓉相對幽伴我悠



悠過閒日憐渠灼灼媚窮秋

夜間風雨有感

留滯招提未是歸。卧聞秋雨響疎籬。何當粗  
息飄萍恨。却誦僧窓聽雨詩。

次韵智叔三首

才似庖刀不待劘。思如流水更清冷。詩壇李  
杜誰為將。畫掃攬搶正國刑。

公子風流更可人。仙家問信柳湖春。煩公甕  
下一杯水。洗我胃中百斛塵。

今朝一見詩人詩。不用更尋黃絹詞。深山一  
鶴自鳴和。亦有松下童子知。

絕句

竟陵秋色清如水。客舍飄梧墜晚階。已掩重  
門風葉定。玉鉤還向玉人來。

西園

滿園紅紫春無限。盡日飛鳴鳥自由。夜雨朝  
情風日好。盡舒雲錦不能收。

晚春

其五  
宜入卷三十四  
抄是



苔封池面草芊芊。鳴蚓跳蛙意若便。頗覺風  
雲有奇變。翻盆一雨便潺湲。

殘春三絕

低簷送雨晚霏微。濕透梅房白漸肥。半捲畫

簾屏扇掩。朦朧春睡擁春衣。

闌干倚遍更消魂。春到淮南得幾分。裊裊柳

枝烟雨濕。畫樓殘角送黃昏。

強尋春物散無聊。直使樓高恨未消。鱗碧萬

家看不盡。杏花時見隔牆梢。

偶題二首

相逢記得畫橋頭。花似精神柳似柔。莫謂無

情即無語。春風傳意水傳愁。

春水長流鳥自飛。偶然相值不相知。請君試

採中塘藕。若道心空却有絲。

宛丘道中

日斜沙路馬翩翩。故欲迎涼不著鞭。誰解多

情似新月伴人歸。去照人眠

青桐道中值雨。凡數里舟行久之頗



有江湖之思

擊馬搯舟問揖師。却疑淮口掛帆時。人間遷  
改何須問。便作江湖未可知。  
真真烟外鳥飛歸。野老得魚收網迴。隔浦斷  
霞沉。歎盡半灣新月出雲來。

宿咸平驛

蕭蕭暗葉鳴秋雨。淅淅寔風戰客燈。世味飽  
請心已老。不煩清鬢強侵陵。

蕭蕭

蕭蕭風雨五更初。枕上秋聲獨并梧。只有菊  
花猶灼灼。若教摧拉就荒蕪。

淮陰道中

映日斷霞臨水盡。出雲新月向人來。野塘秋  
晚無行迹。點點黃花照水開。  
庭戶無人秋月明。夜霜欲落氣先清。梧桐直  
不如衰謝。數葉迎風尚有聲。

學詩筆

試筆



學館藿盞驚歲晚寒窓書史伴身閒年來軼  
軻甘言命老去追隨厭強顏

新春

水鄉清冷落梅風正月雪消春信通昨夜園  
林新得雨杏梢爭放曉來紅

野步

帶水依城一迳微出城挑杏雨來枝鬢憐揚  
柳身無加付與春風自在吹

春日偶題

漫漫東風百草長妖桃如笑柳如粧唯凭酒  
作青春敵收拾風光入醉鄉  
隔屋桃花暖鬪粧好風時有過墻香滿園芳  
草無人種何事春來特地長  
舍北小挑栽及脊可憐技弱苦花繁黃昏雨  
急東風惡惜爾不禁春夜寒  
白首傷春一老翁預愁寒食過春中下簾數  
點黃昏雨一霎輕寒青杏風

偶成二首



新引龍孫欲解包籬根抽笋已指指莓苔雨  
過蝸緣壁揚柳葉深鶯有巢  
乍晴幽步踏斜陽殘潦青苔曲徑荒風擲落  
花填小塹雨催芳草上空墻

題軫師房

漠漠雨苔依砌綠鮮鮮秋菊映堦黃山僧睡  
起日亭午出戶微微拍子香  
銅瓶布衲出塵埃踈瘦風標日一齋門逗蕭  
然更無事生螢飛鷓及時來

初離山陽迴寄城中友人

落月昏昏向水低五更殘燭一聲雞祇應魂  
夢猶東去從此扁舟日向西  
野岸蕭蕭落葉風秋光離思兩相攻殷勤臨  
水揮雙淚憑寄清流却向東

淮陰晚望

蕭蕭衰柳來時路裊裊危檣西去船白鳥歸  
飛夕陽盡斷霞風約過平川

宿第四舖



繫纜寒沙傷客情。秋雲不動夜陰生。蕭蕭兩岸黃榆葉。解報三更雨到聲。

初見嵩山

年來鞍馬困塵埃。賴有清山豁我懷。日暮北風吹雨去。數峰清瘦出雲來。

有感

鬢毛已自秋來變。解肉仍於馬上消。滿眼青山不歸去。強顏微祿亦何聊。

福昌官舍後絕句十首

淮南梅柳想春還。怯見西州歲暮寒。惟有看山心未厭。晴明終日在欄干。

小園寒盡雪成泥。堂角方池水接溪。夢覺隔窻殘月盡。五更春鳥滿山啼。

無客門闌盡日扃。兩行喬木擁寒廳。吏胥借問官何在。流水聲中看竹行。

漫與東風作主人。栽培花草伴閒身。不辭伐竹成高架。收拾薔薇一片春。

卧聽堂南布穀鳴。隴頭細麥已青青。殷勤謝



汝催春種。我為無田。豈懶耕。  
翠竹留人。不忍還。暖泉春漲。已潺潺。寄言山  
鳥休歸去。與爾同來。樂此閒。  
洛川春色。幾時歸。漾漾清流。照翠微。日暖雪  
消。沙岸軟。鴛鴦相對。不驚飛。  
風吹春日下。南山尚有輕冰結。暮灘何事鴛  
鴦故相守。清溪不怕夜。樓寒  
不掃竹根。藏笋茁。旋掃殘雪。擁蘭芽。為君更  
接櫻桃樹。付與春風。換却花。

清明山色到前簷。汨汨溪流聚小潭。一榻竹  
窻晴晝睡。依依春夢入江南。

夢周楚望

春風吹夢到淮南。一夕從容盡笑談。睡覺始  
知經歲別。洛陽新柳已毵毵。

絕句

坐局歸來已暮鐘。濛濛寒雨濕裘茸。正須墻  
下一壺酒。不怕江頭三日風。

有感

前  
六五集有底二首其二  
前

空五集任世向



屋角纖纖挂斷虹。清蟬一噪起高桐。天涯雲  
盡見殘日。林下雨餘來好風。

張石史文集卷第三十一

張石史文集卷第三十二

絕句詩

屈原

楚國茫茫盡醉人。獨醒惟有一靈均。餽糟更  
遣從流俗。漁父由來亦不仁。

觀音泉

巖松偃蓋不知年。寂寂秋燈寶供前。清漱一  
源傳萬古。空山長伴白衣仙。

宿慈氏院



樓上鳴鐘報五更。朦朧深殿佛燈明。更無幽  
夢隨寒枕。聽徹風松到曉聲。

巫臣

萬古風情不易禁。多言未似不言深。楚王只  
聽巫臣諫。不道逃吳已有心。

北風

北風卷地寒侵骨。凍雪連山鳥不飛。試問朱

見。披頭繭。不悟春蟄暗理絲。

門餘酒肉幾人迴。首念無衣。

洛岸春行

溪上映人楊柳黃。滿溪流水碧泱泱。君莫  
向溪南望。春草春風能斷腸。

漫成七首

應敵詩才慚古人。牽情春色空闔身。鋪排物  
色雖甘拙。消散閑愁亦有神。



修竹娟娟一萬竿清渠引水正潺潺知時燕子來相語任意鳧雛去不還  
高槐無花亦有陰  
春老枝逾十尋流鶯不  
使人窺見故隔深條送好音  
風吹桃花西復東雨打海棠零亂紅可是春  
光即消歇牡丹音信未全通

江南梅花凌雪霜桃李開盡春無光誰知洛陽三月暮千金一朶賣姚黃  
溪水春來清蕩沙溪南溪北是人家依依陌

上多情柳簇簇原頭自在花  
庭陰當午起猶慵  
斷送殘春醉夢中  
桑柘成陰桃李盡一川零亂柳花風

和應之出城

路穿槐柳遠山斜  
長夏村墟對物華  
青玉一尋披繹竹  
絳繒千片剪榴花  
永寧赴晁應之見招賞花途中遇雨  
行雲濃淡日無輝  
輕雨飄飄點客衣  
馬上漫郎醒復醉一盃容易送春歸



依韻和晁十七落花二首

投老殷勤向物華  
風前猶欲拾餘花  
更將夢逐殘紅去  
遍入長安百萬家  
飛隨風雨落隨流  
更有餘紅亦已休  
杳杳天涯春物盡  
可憐鶯蝶不知愁

和端午

競渡深悲千載冤  
忠魂一去詎能還  
國亡身殞今何有  
只有離騷在世間

偶成

須知庖手有真如  
合遣輪人笑讀書  
擁褐蒲團深閉目  
老人于此有工夫

雙廟

成敗功名付偶然  
男兒要是死生間  
故應城破知肝胆  
飛矢何勞記賀蘭

株林

九寡奔亡一老姬  
白頭蠻叟嬖西施  
二公膏盡平生力  
深屋婬娟世得知

淮上阻風步入寶積山訪軫長老



少年飄泊歸淮東。道人住庵何處峯。知有招  
提烟水外。雪雲山路倒杉松。

淮上觀冰下

寒淮千里辟冰下。古岸枯槎黃葦枝。憶得天  
津橋下見五門。春動雪消時。

春陰

驚鴻瞥過不容攀。病眼淮邊楚望寒。獨卧孤  
舟對揚柳。春風終日在搖竿。

清明日舟中書事

清明不到旅人家。乞火鄰船自試茶。弄柳好  
風低作舞。夾舡春浪細浮花。  
巢鳥噪處綠揚村。寒食人家盡掩門。麥隴曉  
風收宿潤。烟林午日漲春昏。

宮人斜

青蛾皓齒作埃塵。玉匣珠衾地下身。一曲壞  
牆門不鎖。林花開落墓前春。

奉先寺

定知生不出長門。禾黍蕭蕭寺後村。松栢城



南萬丘塚傷心最說內人園

至後早起館

紅臘拈梅冷未粘柳條偷暖作纖纖高樓殘  
白誰家雪盡日天寒不捲簾  
城圓殘雪寒催曉宮近晴雲暖欲春誰覺風  
光添一線玉壺漏水報雞人

晁二家有海棠去歲花開晁二呼杜  
卿家小娃歌舞花下痛飲今春花開  
復欲招客而杜已出守戲以詩調之

頗疑蜂蝶過鄰家知是東牆去歲花駸馬無  
因迎小妾鴟夷何用強隨車

復答迎郭侯犢車之句

玉壺春酒射朝霞只有纖腰不看花但遣舟  
迎挑葉女仍須思賜短轆車

對菊花

官閒身世兩悠悠種竹栽花一散愁黃菊叢  
邊對踈雨一年懷抱此時秋  
躬耕遇歲真吾事牛下齊兒婦妾歌招飲風



烟過閒日遠，籬栽菊可如何。

題海州懷仁令藏春亭

聞道山中賢，長官種花不肯放春還。故知車馬紅塵地，催促東風不得閒。

題綠野亭

渺渺孤亭滄海東，天連平野四無窮。可須戶牖毫端上，自攬山河眼界中。

漫成三首

驅除牢愁，須酒聖。狼籍春色，要花紅。定知春

未無一事，苦教有情，愁得儂。

容易得愁，即不去。若教春物喚愁生，遣愁飲

酒，大拙計。遣誰戲眉為慢聲。

閉門春風作狂還，誰家有花堪醉眠。柳腰榆莢，爭入眼。江梅一枝遠，如天。

題柴子邕陋居

草舍陰中一幅巾，閉門三致漢將軍。紛紛自獻，知何有。綬繯斯人了，野分一室荒蕪。孺子貧，知君四海入經綸。殺身虎



口終何補。洒掃庭除自可人。  
秋日有作寓直散騎舍

黃省文書分道山靜傳鐘鼓建章開天邊玉  
樹西風起知有清秋到世間

曉雨

綠滿園林紅已稀濕烟和柳共霏微誰家油  
壘春寒裡獨輶天街曉雨歸

送周六赴濠州戶曹

老顛有婦何妨道一室蕭然尚愧君但恐小

喬來丈室却須射虎作將軍  
從來悟道不由書敵向相呈已有餘塵尾花  
飛終不近濠梁古鬼解椰揄

趙弟

男兒何用立奇勳趙弟從軍初不聞但斬郁  
城侯萬戶不消猿臂老將軍

替皇公

才高一世有奇功掩卷令人獨想風莫笑狄  
祠一休還武相致人從古是英雄



夜來

夜來風雨掠餘春，晏起蕭條一病身。三月長  
安泥浩浩，懶隨車馬作游人。

桓武公

北征談笑傳姚公，靜掃諸陵見洛嵩。不用登  
高笑夷甫，正緣此輩使君雄。

和天啟惠橘詩

十年不摘洞庭霜，喜見新苞照眼黃。但對典  
刑休嗜味。天啟辭虎首猶得作中郎。

題畫

敗蘆浸水凍灘沙，湖雪隨風亂綴花。濕翅老  
鷗鳴未起，暮雲山色暗天涯。

蒼蒼老石守寒叢，雪洒林鳩美睡中。鷄傍陳  
根飢更啄，雀栖高折暝愁風。

題庭木

枯條怪石坐寒禽，玉軸高懸畫萬金。歲晚荒  
畦真在眼，寂寥方見此時心。

有所歎



駢脅當車闕戟先相君冠蓋照秦川六雄未  
滅君無苦當念杜門公子虔

五更

歲事先教蟋蟀催暮雲樓閣隱輕雷五更庭  
葉驚殘夢知有清秋犯雨來

下直

留住長安鬢已絲宮廊還見落槐飛暮雲疎  
雨蒼龍闕不惜障泥策馬歸

題史院直舍魚鷺屏

鐘鼓聲稀下直遲秋暉初轉萬年枝寒廳畫  
日誰相對慙愧屏風畫鷺鷺

梅柳

便使柳肥終解舞莫驚梅瘦為含酸因風自  
裊還成態與雪爭妍却要寒  
天質自清非為瘦仙姿玉白不施紅未開如  
怨開如笑枉乞幽香與北風

探春

啾啾凍草群飛雀裊裊高林獨嘯猿忽憶淮



南春意動早梅池館斷鴻天

雙槐

老去相看終慘淡秋來無賴對婆婆任從葉  
逐西風去要聽庭寬夜雨多

晏起

晚起翻書日欲西偶然乘興忘遊嬉好書自  
癖非求利掘冢才須教句詩

和人雪二首

臘殘春近獨消魂殘雪長安千萬門青鳥何

曾寄音信碧雲剛解報黃昏

瞳矓曉日漏春光欄下萱叢尚卧霜認得君  
家門上雪易知何事却難忘

天窓

鑿屋分將一尺明坐令隔幌見簾屏任從世  
界傾盆雨只要蕭蕭數點聲

失性

失性摧頽君子鶴忘羞跳擲沐猴冠須知六  
合臬鸞雜供與閒人靜處看



夢至一園池藕花盛開水鳥飛鳴為  
作二小詩記之

偶來乘興不須疑一頃秋香欲發時老子婆  
娑真為爾百回相見愧鸕鷀  
平池秋水雨來深無數紅粧出岸陰翠幙深  
藏知有意白鷗相見本無心

讀王荆公詩

名實由來不可逃悠悠毀譽亦徒勞  
減公已死言終立不是軒裳世祿高

雨霽

豐隆故犯青冥上列缺應逢返照迴樓外細  
蟾呈窈窕枝間少女故徘徊

蹇驢

驥伏鹽車飢不行疲牛與爾飽平生子荆自  
是佳公子亦向人前作汝聲

局中晚坐

高林晚脫葉漸疎  
昨雨過長安萬屋青為問西  
風來幾日夕陽宮殿亦秋聲



贈鐵牌道者

微官待旦亦朝天。顏爾絕勝鐘鼓傳。舉世昏  
冥竟難警。憐君常負五更眠。

無題二首

風槐已踈遽如許。夜蛩雖怨可若何。出門蹄  
道苔痕滿。隱几書塵鼠跡多。

晚起清秋一枕涼。四簷鳴雨下琳琅。竹籠焙  
藥時添火。書榻焚香却閉房。

張右史文集卷第三十二

張右史文集卷第三十三

絕句詩

吳江道中懷陸魯望

我亦扁舟一散人。江湖為洗十年塵。筆床茶  
竈經過地。風月相望亦有神。

雪溪道至四安鎮

茗溪清秋水底天。夜帆燈火客高眠。江東可  
但鱸魚美。一看溪山值萬錢。

喜雪走筆呈李宣城



殷勤寄語宣城宰。公事何時是。了時病守欣  
然有嘉思。亦須對雪把空卮。  
聒聒庭中草。曲直紛紛筆。下判鞭笞。坐曹決  
事輸歸飲。酒信薛宣稱吏師。  
萬夫餓腹待倉儲。三戶窮民守破圩。疲瘵不  
禁鞭撻甚。長官對酒且歡娛。

游園

病來久不上層臺。窻有蛛絲迤有苔。為報園  
花莫惆悵。故教太守及春來。

聞蛩二絕

晚風庭竹已秋聲。初聽空階蛩夜鳴。流落天  
涯聊自得。今宵為爾感平生。

二年江海轉萍蓬。白髮蒼顏換舊容。新月窺  
簷風動竹。宣城今夜又聞蛩。

雨中題壁

去年此日泊瓜洲。衰柳蕭蕭繫客舟。白髮天  
涯嘆流落。今年對雨古宣城。

鷓鴣

去年此日泊瓜洲。衰柳蕭蕭繫客舟。白髮天  
涯嘆流落。今年對雨古宣城。



敗荷枯葦一方池。溪上鷓鴣。聖得知何事。月  
寒風露下。拳拳孤影在風枝。

秋蚊

江城落木已窮秋。病客初寒欲襲裘。暗室飛  
蚊猶撲面。不知天上火西流。

冬日絕句

忽忽新冬無一句。自憐憔悴楚江濱。滿前魑  
魅何曾禦。尚愧無功作逐臣。

預作冬至

紫壇曾從奠琳瑯。親被天人玉冕光。今日黃

州山下寺。五更聞雁滿林霜。宋元祐七年南

皇帝禮席左見上冕玉簪白  
如雪為燭所照出光數尺云

九日登高

黃梨丹柿已催寒。一月西風積雨乾。紺滑秋  
天稱行草。却憑秋雁作揮翰。

試墨

金峯冰窻淨絕塵。硯寒龍尾穀生文。澄江清  
淺汀洲靜。忽有蒼螭下吐雲。



綵花

清寒帶雪未成春。可得芳菲來向人。酒遣艷  
陽歸掌握。故教桃李及芳辰。

送窮

年年瀝酒拜清晨。風俗新正競逐貧。不為用  
文送窮鬼。直須圖事祝錢神。

寄陳州朱教授三首

殷勤寄語朱夫子。僧舍花前亦舉觴。學舍蕭  
條官職冷。不知誰與戴姚黃。

欲曉山禽百種鳴。最憐啞吃是雛鶯。這想西

湖烟柳色深。春風露水邊聲。

春雨江干不肯晴。大江標岸轉雷霆。山頭方

丈渾無事。掃地焚香看佛經。

送春

二年江上見春歸。子年春在金陵江上預想重來我未  
迴。淹連世間誰料得。祇應相遇且銜杯。

寓寺八首

門外清泉浸稻畦。西南脩竹作城埤。川平林



斷空明處却有遙山作翠眉  
道人鐘梵久寂寞倦客弭車聊靜便我亦雲  
山閒袖手平生香火舊因緣  
病卧淮陽太昊城牡丹叢畔過清明那知春  
暮長江上竹裡招提曉曉鶯  
江城梅子青時節嫩紫天紅掃地無修竹滿  
山連草色却煩林鳥勸提壺  
翠眉長好何曾損寄語啼禽漫不閒應為殘  
春足愁恨長疑麈破鏡中山有鳥聲如  
呼翠眉損

平曉春雲失半山濛濛小雨暗江干寺樓倚  
遍消殘醉只有春愁伴薄寒  
錯落星河没半空江城悲角五更風幽人夢  
斷西窗雨背壁籠燈到曉紅  
籠燈到曉只微明獨擁單衾聽雨聲葛幌竹  
床清過暑蕭然未覺負平生

黃葵

黃葵肯麗不妖嬈一朶新晴檻外高還似過  
英臨便坐瞳矐朝日照天袍



聽鳴禽

流滯江邊鬢已霜。又聞春鳥啁朝陽。他時北  
去懷陳迹。寒竹疎梅黃土岡。

曉雨

輕陰江上千峯秀。小雨墻邊百草生。惟有春  
禽慰孤客。曉啼渾似故園聲。

黃州酒務稅宿房北窓新種竹戲題

于壁

異時小杜高眠地。幾向秋風聽楚江。身世浮

雲那可計。試留雙竹守寒窓。

梅花

我愛梅花不忍摘。清香却解逐人來。風霜肌  
膚隨處好。不知人世有塵埃。

分冬絕句

莫驚人事浮雲變。且作吾儕飽飯行。白首分  
冬聊自勸。江城今夜一陽生。

食齋糝

論筋上國何曾飽。

高力士至黔中見齋云兩  
京論斤買五溪無人採



旅食江城日至前常慕蔡羹最清好故應不  
糝愧吾原原憲蔡羹不糝

戊寅正月八日早寒

深淡春雲夜雨乾寂寥庭院袂衣寒無人為  
發樽前笑但把梅花似舊看

正月七日雪晴

西窓融雪飄如雨故與新春作薄寒昨夜雁  
聲渾向北夢魂隨去過闌山光蔡之闌山路名闌山

春蔬

新春書劍滯江城又見南蔬入旅羹闌心太  
昊祠前路小甲連畦帶雪青子有蔬園在陳州太昊祠前

讀秦紀二首

烹滅群雄力未疲赭山射海奮餘威誰知傳  
與癡兒子祇得阿房似舊時  
汲汲威刑繼祖龍收功終在望夷宮未應家  
國歸車府却有山東老沛公

偶成

許君踏月夜相過此語當時恨已多但願相



逢休怨老不妨白髮聽新歌

春日懷淮陽六首

西城門外古濠清太昊祠前春草生早晚粗  
酬身計了長為閒客此間行

靈通禪刹古叢林永日惟聞鐘梵音閱世興

亡千室佛百年風雨古墻金靈通院石晉時所創有千佛殿

壁繪用全

最愛南城汲井園春來蔬甲不勝繁人家斷  
處無雞犬遲日東風似古原

黃巢寨南琵琶溝古原芳草靜春流大觥射

賊何處客墻竿西北是神州

莽莽郊原帶古丘漸漸隴麥散羊牛杏花揚

柳春濃處一片青帘慰客愁

城中萬枝木為藥姚黃一萼得春多日日踏

春渾坐此人間無醉李渠何

上元三絕

清晨謁帝大明宮拜賜歸來夜過中余在十  
年每歲上元晨趨大慶門上賜茶酒拜謝退率一二同舍擇勝



縱觀至夜分又一夢十年身老大。山城風月  
醉歸歲率為常。作過從而大醉而歸。醉  
酷酒壚邊人若市。算高亭下浪連天。張君官  
況今如此。豈有工夫作醉眠。  
江邊燈火似秋螢。哀怨山歌不可聽。自怪今  
春牢落甚。禪房止酒讀黃庭。

芥子園二絕句

風雲無事雨初晴。山澤有容春向深。何物東  
風吹不散。祇應多病謫官心。

茅簷斜日曉雞號。水滿陂塘薺麥高。回首故  
園空悵望。東門歸路綠迢迢。

正月二十五日以小瘦疾在告作三絕

是日苦寒

黃土岡頭薺麥長。春陰蔽日午風狂。山前梅  
落無人見。只有幽禽啼暗香。

春色三分有猶尚多。且饒芳草占高坡。門前柳

色如彭澤。爭奈陶君止酒何。

余方以病止酒

見說櫻桃已爛開。坐愁風雨苦相催。自憐華



髮傷春客。兩見飛花未放回。

所居有梅一株在堂東。荒穢中正月  
二十六日已謝矣。二首

平生常恨逢梅少。及對江梅無好詩。寂寞荒  
山少風味。直須雲鬢掠斜枝。  
冷落疎枝寒草岡。欲攀先怕踏榛荒。異時折  
處何堪說。臨水高城倚女牆。

堂前種二桃詩示稚結

平昔殷勤向物華。誰知憔悴客天涯。雙桃栽

罷還惆悵。憶得淮陽舊種花。

春日書事

蟲飛絲墮兩悠颺。人意遲遲日共長。春草滿  
庭門寂寂。數摺窻日掛空堂。

十月十日夕同文安君對月

林外霜風作夜聲。入簷寒月似多情。燈前爐  
畔深杯暖。更聽昭君出塞行。

蘄水通中二首

蠶老麥枯田舍忙。誰令四月雨浪浪。未容烏



鳥私遣。拉鳴蚓。跳蛙欲滿場。  
綠野新晴。風日涼。肩輿細路轉重岡。橋邊野  
水侵官道。旋喚漁舟渡。夕陽  
感迳莎  
桃溪李徑。有塵埃初放。青莎秀滿。塔想見。芊  
綿古城角。有人嗟我未歸來。

宿潘君草堂聞蛙聲

跳踉鼓怒。任英雄何事。嗚呼聒睡翁。不用酒  
灰煩魯老。正酒兩股付吳儂。

孤村足雨。菰蒲合。只有群蛙噪滿陂。我亦聞  
來無鼓吹。不煩通夕短長吹。

夢靈壽寺

客居有似鴻遵渚。鴻潛相看。豈有情何事春  
來頻見夢。老僧談笑起相迎。

聞鴨鵝

紙窗未白。燭微明。鴨鵝枝頭一兩聲。却憶去  
年桃李後。淮陽旅舍聽殘更。

甯子





原件短缺

P12



甯子陽思飽語事賈生慟哭漫多愁無言天  
道何須問畢竟人間春復秋

摘芙蓉

今年古寺摘芙蓉憔悴真成澤畔翁聊把一  
枝閑照酒明年何處對霜紅

呈宜君

江城風雨作朝昏愁殺壚邊賣酒人祇有醉  
時差可喜不應醒坐作新春

齊安春詒五絕

江上魚肥春水生江頭花落草青青萋萋  
長蘆筍大問君底事愛南烹

莫笑江城大如手桃花如燒酒如油人生無  
病即為樂莫誦離騷澤畔愁

揚柳弄春藏不得雪絮點點吹人來輕清潔  
白非塵物寄語桃李莫相猜

赤壁磯前江急流周郎功業莽悠悠惆悵沙  
邊雨中樹無言供作古今愁

江頭春泥妨踏春閉門守春春著人問春著



人作何味半酣美酒聽韶鈞

生日贈潘郎

春雨蕭蕭江上城。論花與子酒同傾。恨君未到淮陽市。一見姚黃慰此生。

張石史文集卷第三十三

張石史文集卷第三十四

絕句詩

初夏謁告家居值風雨偶作二絕

春愁已逐鶯花盡。野果垂簷綠葉稠。天上幾回飛破鏡。端居未折大刀頭。  
高堂終日雨潺潺。却看重裘尚薄寒。風雨似秋。君莫怪。客愁天色兩相闍。

西窓雜咏三首

翠蔓垂簷笋過籬。幽禽終日傍窓啼。山林勝



處平生事他日何妨動我思  
穿籬兩竹是龍孫風葉蕭蕭便有聞却到葛  
陂心未已更將甘雨灑川原  
稻畦新插綠雲齊雨過溝畷水接溪到舍妻  
兒勞勤苦白醪缸畔醉如泥

別齊安稅務憲竹二絕

何獨王郎與爾歡二年慚愧碧琅玕  
別知何處見畫人間行路難  
隨流泛梗雖無定別渚棲鴻亦有情  
為問竹

憲清夜月從今誰解聽秋聲

四月二十三日晝睡起

幽人睡足芭蕉雨獨岸綸巾几葉涼  
誰和薰風來殿閣不知陋巷有羲皇

渡江

白髮人驚老阿童橫江聊借半帆風  
却嗟縛得窮孫皓未似高歌醉閉篷

吳王郊臺

異時隨舉孝廉郎旂蓋相承據一方  
賜統閭



門祥已定將君又竟是吳王

題寒溪長老方丈

滿坐繩床百事貧  
溪古屋四無隣  
為生易足君無笑  
渠是人間得計人

早起

滄江初夜雨翻盆  
將曉風聲戰亂雲  
籬下寒雞鳴苦  
晚老人先起  
自開門  
風鳴搞葉未辭枝  
雨濕疎梅欲弄姿  
地下一陽應蹠躩  
世間渾未有人知

冬至贈潘郎二首

荻籬茅屋柯山下  
膏餅歸來也  
做冬不見長安競時節  
車如流水馬如龍

五更人語起江城  
歌笑喧喧天欲明  
酌酒壽君但一醉  
百年珍重是人情

發孝感

裊裊攜烏轉  
晚空娟娟逐月入  
窻攏岸頭揚柳如憐客  
猶舞蕭蕭五兩風

柯山雜詩四首



幽人睡足帶綸巾。策杖開門卯酒醺。黃葉滿  
山烏鵲噪。江城秋日少行人。  
蕭蕭茅屋土山前。翁媪閉門去獲田。朝日滿  
簷雞犬靜。荻籬深處有吹烟。  
斷澗橫橋卧古槎。晚雞鳴處有人家。山頭月  
出疎鐘斷。江上風高落雁斜。  
九月江城霜氣清。旅人寒事略經營。隔窻便  
是山前樹。永夜葉聲如雨聲。

絕句九首

天高列岫出林外。霜落大江流地中。晚日橋  
邊數歸牧。牛羊部分聽兒童。  
樹頭三唱雞。窻小門外斜行雁。寄書十月江  
城霜霰薄。滿山林葉亂藍朱。  
曉起山鴉噪作團。西園霜木倚空寒。風高斷  
雁呼前伴。雨止歸雲赴舊山。  
千林黃葉捲飛霜。寂歷疎梅未肯粧。誰信輪  
囷卧山木。心知九地有微陽。  
空山風雨冷蓬茅。晨起幽人理褐袍。深閉衡



門且無出濕雲如墨怒江號

老去不禁茶力悍西甌破盡五更眠月團三

百真魔物欲乞當壚膏酒錢

讀書老眼苦眠昏茗飲無端遣夢魂到處相

逢真可喜祇應酒是好知聞

黃葉桑林赤土同蓬茅小逕度牛羊似聞流

乞之唐汝歎息何人為發倉黃累年旱飢流民就食唐汝

歲契寒騎風落山卧聽園木怒濤翻去年慈

德門東雪永夜宮廊唱探喧去年春大雪中予以禮官奉飲

聖喪事入宿內東門凡數十鋪直廬官吏達旦不能寐

讀周本紀

周公七百年禮樂箕服桑弧畫破除空使遺

臣經故國徘徊未忝歎丘墟

齋中列酒數壺皆齊安封醪也今日

亦強飲數杯戲成呈幽老昆仲

曾嘗玉皇碧琳腴不醉長安市上酌作史官時歲六

節賜飲濕先生今已矣吸醪留得與門徒東坡

云三年黃州城飲酒但飲濕



放逐江邊長苦飲。壺漿尚敢較醇醪。中都光  
祿多新釀。不解隨人得一卮。

卧聞風聲

卧聞風聲吹屋角。應掃積雨陰漫漫。千山黑  
月鳥飛絕。一江星斗魚龍寒。

臘月下旬偶作

歲暮烟霜澤國寒。晚鴉鳴處是柯山地。鑪有  
火。尊餘酒。自起焚香深掩閣。

春日懷臨汝園

西江逆上通晴汝。憑仗雙魚致我辭。若向天  
邊見鴻雁。為言春至苦相思。

柯山春望

先教一雨淨江山。便放千林春意還。何事東  
風吹客雁。便教無意戀汀灣。

正月十八日四首

幽人睡足聞春鳥。共喜暉暉日滿籬。里巷收  
燈人寂寞。鄰家夫婦賃春歸。  
收燈城市接荒村。翁媪耽眠日已曛。何事牧



兒能早起緩驅白牯出柴門  
通傍蘭若冷千秋迎客開門一比丘夜久無  
人風露冷空廊飢鼠竊膏油  
山下書生業讀書菽籩膏蔓避人居最憐無  
奈窮耽酒時遣羸童致一壺

二十八日

憶昨秋風吹馬蹄危閣分袂涕交揮淮陽春  
物應如錦猶在柯山送雁歸  
雨中

庭院輕寒新雨過江城寒食野花飛故園北  
望一千里極目江楓客未歸

二月二日挑菜節大雨不能出

久將菘芥芼南羹佳節沉深人未行想見故

園蔬甲好一畦春水轉轆聲

北方治菜畦如  
松拌土極細勻

汲井灌之次第  
相及殊可觀也

二月五日折梅時經雨梅謝矣

江雲湛霽未全開東嶺微茫日色來獨犯輕  
寒踏春晚殷勤更折雨中梅



十八日

寒食清明人意閑。春城士女出班班。柳黃花  
白樓臺外。紫翠江南數疊山。

僧允懷惠紫竹杖

輕堅滑澤節仍勻。上下柯山助老身。他日天  
恩許歸去。提携同踏故園春。

寒食日作

荒山野水非吾土。寒食清明似去年。楊柳揀  
門人競笑吳夷不信子。推賢黃岡有官人效  
北方以題作子

推賢柳揀門上  
者鄉人怪之

朝寒却覺春衣薄。禪誦還將酒醖疎。落盡江  
城千樹雪。門前楊柳已藏烏。

牡丹

天女竒姿雲錦裳。故應聽法傍禪床。靜中獨  
有維摩覺。觸鼻惟聞淨戒香。

黃鵠雨霽望樊山

金碧江南數疊山。雨餘秀色直堪餐。仙娥佞  
墮青雲髻。照我衰遲澤畔顏。



三月二十五日聞鴨鵝

雲夢澤南春欲還，柯山鴨鵝曉闌闌。幽人夢覺殷勤聽，落月江風尚薄寒。

絕句二首

翠潤園林草木長，春歸積雨滿芳塘。更無一點殷紅色，葉底青梅已可嘗。

晴江水滿長菰蒲，野鴨鵝鵲欲哺雛。誰為寄聲沙塞雁，春來朔野定如何。

新堂望樊山

幽人井臼兩山間，鄰里樵漁盡往還。興發登窮眼界，江南秀色碧雲鬟。

東堂四首

主人憐客置東堂，為致炎天十步涼。勝事自來非力致，江南山色巧相望。

老翁還作小兒情，手種芭蕉為雨聲。便有微泉出堂下，一泓清澈照軒楹。  
堂下種芭蕉數本，遂得一泉以

然盈尺，殊清澈。

居止年來如傳舍，構堂珍重主人情。浮生行

其  
南夢澤浸曉風，柯山已近松馬  
鴨鵝鵲雛飛不成行  
見學



止誰能訴。苟合真。須學子荆。  
烏衣更士能呼。且金縷。嬌娘解唱歌。天與書  
人供一窺。不然奈此寂寥何。  
未伏日五更。小涼  
幽人短夢不終宵。起步星河望。次寥缺。月低  
簷。雞一唱。露華秋色滿芭蕉。

秋日二首

一庭秋色清如水。籬落蕭條日脚殘。忽憶淮  
陽舊庭院。出鄰高葉翠梧寒。

黃蘆朱戶狹洞房。何事易知獨難忘。相思故  
人雲間月。涼夜皎皎出東廂。

樊山

黃葉疎林江上洲。西風角怨夕陽樓。陽天紫  
翠凌空澗。只有樊山取意秋。

月季

月季祇應天上物。四時榮謝色常同。可憐搖  
落西風裏。又放寒枝數點紅。  
東堂  
臥病書眼。秋風作惡。



東堂岑寂似僧居，年老身閒不讀書。病臥空床雞唱曉，意前飢雀啄寒蔬。

東堂初寒，創意作竹屏障，門屏脚偶得枏梅枝，截用之，完固質野可喜。

丈室新幃用此君，如用鄣子之用碧琅玕掠古槎根。

白雲一片當空立，護此寒堂宴坐人。

簡冊林中老蠹魚，年來窮謫尚耽書。竹屏風

下，憑鳥几畫作柯山居士圖。

黃真乃二絕句

天多事作無睡

空手作地爐

幽窻老客寒無睡，長聽城樓曉角悲。萬里滄

溟初落日，暗雞先向草間知。

歲陰慘淡不可去，出竹榻地爐聊自安。黃葉滿

山籬，落晚北風吹雨濕荒寒。

### 朝寒

朝寒卯飲已，戰勝煮餅一甌充。午飢便是衰

翁一日了，夜爐茗果亦隨宜。

### 臘初小雪後圃梅開

風格孤高又國香，故教小雪發新粧。修行嗟



我無功用却使天魔入道場  
晨起千林臘雪新數枝雲夢澤南春一塵不  
染香到骨姑射仙人風露身

蒼浪

蒼浪鬢髮一衰翁何事年來到骨窮  
魑魅何嘗居四裔自憐逐放尚無功

西江

拂瓦輕霜鉛粉輕東南日出竹窻明  
小樓下見西江水日日風光無限情

二月二十一日東園桃李未開有感

二首

日慘東風正怒號小園寂寂閉蓬蒿  
可能春色如人事獨發玄都觀裡挑  
寄語玄都觀裡花饒君繁麗奪朝霞  
劉郎想到長安日葵麥風前一歎嗟

自二月末苦雨寒食前一日始晴視  
園中花乃殊不敗

春雲湛靄弄朝暉清峭餘寒透袂衣  
最喜園



花渾似舊十分春色一分歸

微雲

微雲湛對弄餘春清曉微寒尚著人重理袂  
衣溫卯酒綠陰啼鳥閉衙門

絕句二首

風棹浮烟匝地回雨暎濃翠撲山來晚涼樓  
角三吹罷夕照江天萬里開  
荒山岑寂晚雞號獨閉衙門守一瓢風雨似  
秋君莫怪客愁逢處易蕭條

鴨鵝

整刷衣裾紫翠新曉天風露壓雞晨應知不  
置蓮花漏長喚林中宴坐人

久雨

歌簷積雨苔生瓦陋巷人稀泥及門坡下牛  
羊來遠墅舍旁麻籬接荒村





蘇詩文集卷第三十四

八

蘇詩文集

蘇詩文集卷第三十四

蘇詩文集卷第三十四

蘇詩文集

蘇詩文集卷第三十四

蘇詩文集卷第三十四

蘇詩文集





